

|                             |            |     |            |
|-----------------------------|------------|-----|------------|
| Primljeno: 06. 06. 2002. g. |            |     |            |
| Org. jed.                   | Broj       | Ime | Vrijednost |
| 02/1                        | 011-607/02 |     |            |



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA**

**Ustavno-pravna komisija**

Broj: 02/1-011-607 /'02

Sarajevo: 06.06. 2002.god.

**Z A P I S N I K**

**sa 20. sjednice Ustavno-pravne komisije Doma naroda Parlamentarne skupštine Bosne i Hercegovine, održane 06.06.2002.god.**

Sjednica je počela sa radom u 10: 00 sati.

Sjednici su prisustvovali članovi komisije: Ibrahim Spahić, Šefik Džaferović, Niko Sušac i Dragutin Rodić. Sjednici nisu prisustvovali članovi komisije Nikola Špirić i Ivo Živković koji su bili opravdano odsutni.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Ibrahim Spahić. Pored članova komisije sjednici su prisustvovali sekretar Ustavno-pravne komisije Aljoša Čampara, savjetnik dopredjedavajućeg Doma naroda Ivo Andrić i predstavnici Predsjedništva BiH i Vijeća ministara BiH u svojstvu predlagača.

Za sjednicu je predložen i jednoglasno usvojen sljedeći

**D N E V N I R E D :**

1. Usvajanje Zapisnika sa 19. sjednice Ustavno-pravne komisije Doma naroda
2. Zakon o izmjenama i dopunama Zakona o Centralnoj banci- predlagač Predsjedništvo BiH;
3. Zakon o osiguranju depozita Bosne i Hercegovine- predlagač Vijeće ministara BiH;
4. Zakon o izmjenama i dopunama Zakona o Carinskoj tarifi BiH- predlagač delegat Jerko Ivanković;
5. Zakon o zadrugama BiH- predlagač Kolegij Doma naroda;
6. Informacija o stanju u oblasti imigracije i azila na teritoriji BiH- predlagač Vijeće ministara BiH;
7. Informacija o realizaciji Aneksa VII Općeg okvirnog sporazuma za mir u BiH- predlagač Vijeće ministara BiH;
8. Tekuća pitanja.

**Ad.1. Usvajanje Zapisnika sa 19. sjednice Ustavno-pravne komisije Doma naroda**

Zapisnik sa 19. sjednice Ustavno-pravne komisije Doma naroda Parlamentarne skupštine BiH usvojen je jednoglasno.

## **Ad.2. Zakon o izmjenama i dopunama Zakona o Centralnoj banci**

Komisija je razmatrala navedeni zakon u skladu sa članom 78.2 i 79.1. Poslovnika Doma naroda Parlamentarne skupštine BiH (usklađenost zakona sa Ustavom Bosne i Hercegovine) i jednoglasno zaključila da postoji ustavni osnov za donošenje ovog zakona te ga upućuje u dalju proceduru u skladu sa Poslovnikom Doma naroda.

## **Ad.3. Zakon o osiguranju depozita Bosne i Hercegovine**

U raspravi o ovoj tački dnevnog reda niko nije učestvovao. Članovi komisije su jednoglasno prihvatili da je zakon podnesen od strane ovlaštenog predlagača, te da je u skladu sa Ustavom BiH i upućuje ga u dalju poslovničku proceduru.

## **Ad.4. Zakon o izmjenama i dopunama Zakona o Carinskoj tarifi BiH**

Članovi komisije Šefik Džaferović i Ibrahim Spahić uzeli su učešće u raspravi o ovoj tački dnevnog reda, kao i predstavnik Vijeća ministara BiH. Komisija je jednoglasno prihvatila da je zakon u skladu sa Ustavom BiH i da je podnešen od strane ovlaštenog predlagača, te ga kao takvog prosljeđuje u dalju poslovničku i parlamentarnu proceduru. Komisija je takođe, prihvatila sugestiju predstavnika Vijeća ministara BiH da se upozori predlagač, da u tekstu zakona naglasi da se radi o Carinskoj tarifi "Bosne i Hercegovine" kada ga bude raspravljala nadležna komisija Doma naroda.

## **Ad.5. Zakon o zadrugama BiH**

Članovi komisije nisu učestvovali u raspravi po ovoj tački dnevnog reda, te su jednoglasno konstatovali da postoji ustavni osnov za donošenje zakona, tj. da je zakon u skladu sa Ustavom BiH i da je podnešen od strane ovlaštenih predlagača delegata Doma naroda i kao takvog ga upućuju u dalju parlamentarnu proceduru u skladu sa odredbama Poslovnika Doma naroda Parlamentarne skupštine BiH.

## **Ad.6. Informacija o stanju u oblasti imigracije i azila na teritoriji BiH**

U raspravi o ovoj tački dnevnog reda učestvovali su svi članovi komisije kao i predstavnici Vijeća ministara BiH koji su u kraćim crtama obrazložili informaciju. Komisija je jednoglasno prihvatila informaciju i upućuje je Domu naroda Parlamentarne skupštine BiH u dalju proceduru.

## **Ad.7. Informacija o realizaciji Aneksa VII Općeg okvirnog sporazuma za mir u BiH**

U raspravi o ovoj tački dnevnog reda učestvovali su svi članovi komisije kao i predstavnici Vijeća ministara BiH koji su u kraćim crtama obrazložili informaciju. Komisija je jednoglasno prihvatila informaciju i upućuje je Domu naroda Parlamentarne skupštine BiH u dalju proceduru.

**Ad.8. Tekuća pitanja**

Pitanja nije bilo.

Zasjedanje 20.sjednice Ustavno-pravne komisije Doma naroda Parlamentarne skupštine, završeno je u 10:30 sati.

**Sekretar Komisije**  
**Aljoša Čampara s.r.**

**Predsjedavajući Komisije**  
**Ibrahim Spahić s.r.**